

ADMINISTRACIÓN LOCAL

MUNICIPAL

GROVE, O

Subvencións e axudas

BASES SUBVENCIÓN A CLUBS DEPORTIVOS 2017

PRIMEIRA. OBXECTO

É obxecto das presentes bases regular as normas polas cales se rexerá a concesión en concorrencia competitiva de subvencións aos clubs deportivos deste concello para sufragar parte dos gastos que lles ocasione a promoción de actividades deportivas de interese municipal, fundamentalmente aquelas que apoien o deporte de base.

SEGUNDA. IMPORTE DA SUBVENCIÓN

A contía global das subvencións será acordada anualmente pola Xunta de Goberno con cargo ao crédito da partida 452.481 do Orzamento municipal neste ano 2017, e non poderá superar a contía global de 95.000 €. Este importe será repartido entre os clubs solicitantes segundo os criterios que se establecen na base sexta, sen que a concesión implique para o beneficiario dereito ningún en anos posteriores.

Os clubs que non acaden o mínimo de 30 licenzas poderán optar a axuda. Para estas resérvanse 5.000 euros da partida de Deportes.

TERCEIRA. BENEFICIARIOS

Poderán solicitar estas axudas, sempre que se cumpran as seguintes condicións:

a) Que sexan asociacións ou entidades deportivas validamente constituídas sen ánimo de lucro e teñan o seu domicilio social no concello do Grove

b) Que as asociacións ou entidades deportivas realicen actividades de interese municipal e certifiquen un mínimo de 30 deportistas federados dos que un mínimo do 50% deben pertencer ás categorías base (entendéndose por base: de benxamín a xuvenil). Non computan aquí as licenzas escola.

c) Excepcionalmente, para o caso de que un club non acade o número de 30 licenzas, e sempre que si contara con elas nos 5 anos anteriores, permitirase que opte á solicitude desta subvención municipal.



d) Que as asociacións ou entidades deportivas se atopen debidamente inscritas no Rexistro Municipal de Asociacións (RMA) do Concello do Grove cun mínimo de 3 anos de antigüidade.

e) Que os clubs permitan o desenvolvemento da súa actividade aos fillos/as de socios/as e non socios/as.

f) Que desenvolvan a súa actividade, como mínimo, 11 meses ao ano, con horarios de adestramentos fixos e semanais.

g) Que participen en competición federada (podendo ser unha federación oficial ou asociación independente que exerza estas funcións por carecer esta disciplina deportiva de federación oficial), sendo obrigatorio participar, como mínimo, no 50% dos eventos deportivos federados que oferte a federación (ou asociación) en cuestión.

h) Que a cantidade subvencionada percibida por un club non supere o 30% do seu orzamento anual.

Non poderán ser destinatarios de subvención as sociedades anónimas deportivas ou outras asociacións, clubs ou entidades con ánimo de lucro.

Todos os clubs con subvención superior a 5.000 euros terán que levar na súa vestimenta (chándal e camiseta de competición) de forma visible, o logotipo do Concello do Grove e, no caso de disporen de furgoneta, un adhesivo nesta co logotipo do Concello do Grove. Deberá acreditarse documentalmente (fotografía).

CUARTA. TRAMITACIÓN DAS SOLICITUDES

1.º O procedemento de concesión individual das subvencións iniciárase coa solicitude previa do club interesado (anexo I), acompañada da documentación complementaria correspondente, no Rexistro Municipal.

2.º O prazo para a presentación de solicitudes será de 30 días hábiles desde a publicación no BOP destas bases.

QUINTA. DOCUMENTACIÓN PARA PRESENTAR POLOS CLUBES SOLICITANTES

Xunto coa solicitude, os interesados deberán presentar a seguinte documentación:

1) Documentación xustificativa dos requisitos de carácter xeral:

a) Certificación da federación correspondente en que conste que o club solicitante se atopa na actualidade de alta con actividade propia.



b) Declaración do presidente de estar ao corrente e sen débedas na Axencia Tributaria, nacional e galega, e na Seguridade Social.

2) Documentación xustificativa para avaliar e ponderar a contía da subvención:

a) Certificación da federación correspondente onde conste o número de fichas federativas expedidas na tempada xa rematada para os deportes de ano natural (tempada de xaneiro a decembro) e da tempada actual para deportes con ligas parecidas ao calendario escolar (tempada de agosto a xuño) e constando nesta certificación a categoría na que compiten os deportistas.

b) Certificación do presidente do club onde conste o número de adestradores titulados que imparten os adestramentos nas distintas categorías, acompañada das copias dos seus títulos onde apareza o seu nivel.

c) Certificación federativa en que conste a categoría en que militaron os distintos equipos da entidade durante a tempada xa rematada para os deportes de ano natural (tempada de xaneiro a decembro) e da tempada actual para deportes con ligas parecidas ao calendario escolar (tempada de agosto a xuño).

d) Memoria deportiva asinada polo presidente do club onde se describirán as actividades realizadas e as competicións en que se participou na tempada anterior, o número de deportistas participantes, cantidade de socios, así como os resultados xerais, títulos e clasificacións obtidas.

e) Memoria de actividades da escola deportiva. Esta poderá estar incluída dentro da memoria deportiva, pero nun apartado específico.

f) Memoria económica, asinada polo presidente, onde se detallan os gastos e ingresos anuais da tempada anterior clasificados por actividades, incluídas as cotas que se cobren aos deportistas.

g) Outros datos de interese que poidan dar fe das actividades dos clubs.

h) Declaración responsable de outras axudas (anexo III).

Os clubs que incorran en falsidade de datos poderán perder o total da subvención. Estes datos serán contrastados coas federacións e poderán ser supervisados a través das actas de competición para constatar que realmente as fichas presentadas son reais e non estean para completar equipos.



SEXTA. CRITERIOS PARA A CONCESIÓN DAS SUBVENCIONS

A Xunta de Goberno Municipal, con base na documentación achegada polos clubs, acordará o reparto das subvencións no presente ano, segundo as normas que se detallan a continuación.

O reparto de puntos para os deportes de equipo realizarase atendendo ao número de equipos federados segundo categoría e ao número de fichas federadas dentro de cada categoría. Para os deportes individuais, o valor de puntuación corresponderá unicamente ás licenzas.

Normas para a puntuación e cálculo das subvencións:

1. Os deportes de equipo.

Os equipos puntúanse segundo a súa categoría e zona onde compitan consonte o baremo seguinte:

CATEGORÍA	ZONAL			PROVINCIAL			AUTONÓMICO		
	DE 3 A 9	DE 10 A 15	+ DE 15	DE 3 A 9	DE 10 A 15	+ DE 15	DE 3 A 9	DE 10 A 15	+ DE 15
BENXAMÍN	5	8	10	7	10	12	8	11	13
ALEVÍN	5	8	10	7	10	12	8	11	13
INFANTIL	10	14	18	12	16	20	14	18	22
CADETE	10	14	18	12	16	20	14	18	22
XUVENIL	10	14	18	12	16	20	14	18	22
SÉNIOR	8	12	16	10	14	18	12	16	20

As fichas puntúanse segundo a categoría e a zona onde compitan co baremo seguinte para a categoría masculina, e cun 10% a maiores para a categoría feminina:

COMPETICIÓN	ZONAL	PROVINCIAL	AUTONÓMICO
CATEGORÍA EQUIPO			
BENXAMÍN	0,6	0,7	0,8
ALEVÍN	0,6	0,7	0,8
INFANTIL	0,8	1	1,2
CADETE	0,8	1	1,2
XUVENIL	0,8	1	1,2
SÉNIOR	0,6	0,8	1

2. Os deportes individuais e/ou colectivos (entendendo como deportes colectivos aqueles que compiten pola mellor marca de tempo).

Deportes como a ximnasia, atletismo, piragüismo, remo, ciclismo ou outros similares, o valor da puntuación corresponderá unicamente as licenzas.



DEPORTE INDIVIDUAL	
CATEGORÍA	PUNTOS/FICHA
BENXAMÍN	1,5
ALEVÍN	1,5
INFANTIL	3
CADETE	3
XUVENIL	3
SÉNIOR	2,5

As licencias femininas terán un 10% de valor engadido para promover a práctica deportiva entre as mulleres da nosa vila.

3. Os adestradores titulados con licenza en vigor expedida pola federación correspondente valoraranse seguindo a táboa, puntuándose só a titulación máis alta de cada adestrador.

CATEGORÍA	PUNTUACIÓN
Monitor	1
Adestrador nivel I, II, rexional, territorial ou provincial, técnico deportivo en actividade física.	2
Adestrador nacional	3
Licenciado/Graduado en Ciencias da Actividade Física e o Deporte	3

*Hai federacións deportivas onde non se convocan cursos de formación de monitores nin adestradores desde hai moitos anos, polo que lles imposibilita a estes clubs teren adestradores formados. A estes clubs poderáselles recoñecer a súa experiencia e valoralos como monitores só ata o momento en que a federación correspondente convoque un curso oficial.

4. Pola participación en campionatos do máximo nivel (de Europa e mundiais) de carácter oficial e ámbito federativo, durante o ano anterior á publicación destas bases:

- Participación en campionatos do Mundo de 3 ou máis deportistas→18 puntos
- Participación en campionatos do Mundo de 1 ou 2 deportistas→15 puntos
- Participación en campionatos de Europa de 3 ou máis deportistas→15 puntos
- Participación en campionatos de Europa de 1 ou 2 deportistas→10 puntos

Unha vez puntuados todos os equipos, adestradores titulados e participacións en campionatos internacionais, sumaranse todos os puntos obtidos polos clubs.

O importe destinado a esta subvención repartirase, proporcionalmente, segundo os puntos obtidos por cada club.

A Xunta de Goberno Local acordará o reparto das subvencións que regulan estas bases, atendendo aos criterios expostos.



SÉTIMA. PAGAMENTO DAS SUBVENCÍONS

As cantidades subvencionadas pagaranse atendendo ás previsións da Tesourería municipal. Poderá anticiparse o 50% do seu importe logo da xustificación, como mínimo, da citada cantidade.

OITAVA. XUSTIFICACIÓN DAS CANTIDADES SUBVENCIONADAS

A. O importe da subvención anual deberá xustificarse antes do 15 de decembro.

B. A xustificación dos gastos realizarase mediante a achega da conta xustificativa (anexo II) xunto cos seguintes documentos:

1. Facturas oficiais (orixinais ou copias autenticadas) e que cumpran os requisitos legais, expedidas a nome do club, onde consten a subministración ou servizo prestado polo provedor. Deben ter relación directa coas actividades subvencionadas.

2. Nóminas de salarios e TC1 e TC2 da Seguridade Social do persoal contratado polo club.

3. Recibos onde consten as cotas pagadas por fichas, arbitrxes ou taxas, acompañados da correspondente certificación da federación de dita disciplina deportiva.

4. En todo caso, a xustificación da subvención concedida deberá incluír os documentos que acrediten o pagamento dos gastos xustificados, de acordo co establecido no artigo 31.2 da Lei 38/2003, así como no artigo 29 da Lei 9/2007, de subvencións de Galicia, que consideren gasto realizado o que fora efectivamente pagado con anterioridade á finalización do período de xustificación. Para importes superiores a 1.000,00 euros deberá achegarse unha copia de transferencia bancaria.

Non se admitirán xustificantes que non teñan relación clara e directa cos gastos derivados das actividades que se subvencionan nin cos criterios polos cales se avaliaron nin que a súa data sexa de exercicio diferente ao da concesión.

C. Declaración xurada do presidente do club onde conste que o total da subvención outorgada polo Concello sumada ás subvencións obtidas doutras administracións públicas non superou o importe total dos gastos. En caso de que fose superior, diminuírase a achega municipal.

D. O importe xustificado deberá ser pola totalidade da subvención concedida. A falta de xustificación dentro do prazo establecido dará lugar á perda da subvención, se aínda non estivese pagada, e ao reintegro do cobrado, se fose o caso, de cantidades adiantadas.



Se unha vez requirido o reintegro das cantidades indebidamente percibidas polo club, este non se produce dentro dos prazos establecidos, procederase pola vía executiva cos xuros de constringimento que correspondan.

Para todo o non previsto nestas bases estarase á normativa xeral:

- Lei 38/2003, do 17 de novembro, xeral de subvencións e o seu Regulamento, aprobado polo RD 887/2006, de 21 de xullo.
- Lei 9/2007, do 13 de xuño, de subvencións de Galicia.
- Lei 7/1985, do 2 de abril, reguladora das bases do réxime local.
- Lei 39/2015, do 1 de outubro, do procedemento administrativo común das administracións públicas.

O Grove, 27 de marzo de 2017.—Jose A. Cacabelos Rico, Alcalde do Ilmo. Concello do Grove.



BASES PARA A CONCESIÓN DE SUBVENCIONS MUNICIPAIS A CLUBS DO GROVE (Folla de solicitude – Anexo I)

Nome do club:	
Enderezo:	
CIF do club:	Teléfono:
Fax:	Correo electrónico:
Nome do/a representante:	
Cargo directivo:	
NIF do/a representante:	Móbil:
Documentación achegada: <ul style="list-style-type: none"> <input type="checkbox"/> Certificación da federación correspondente en que conste que o club solicitante se atopa na actualidade de alta con actividade propia. <input type="checkbox"/> Certificación da Axencia Tributaria onde conste que o club non ten débedas e está ao corrente nas súas obrigacións tributarias. <input type="checkbox"/> Certificación da Seguridade Social onde conste que o club non ten débedas e está ao corrente nas súas cotizacións sociais. <input type="checkbox"/> Certificación da federación correspondente onde conste o número de fichas federativas expedidas na tempada anterior e desagregadas por categorías. <input type="checkbox"/> Certificación do presidente do club onde conste o número de adestradores titulados que imparten os adestramentos nas distintas categorías, acompañada das copias dos seus títulos. <input type="checkbox"/> Memoria deportiva asinada polo presidente do club onde se describen as actividades realizadas e as competicións en que se participou na tempada anterior, o número de deportistas participantes, así como, dos resultados xerais, títulos e clasificacións obtidas. <input type="checkbox"/> Memoria de actividades da escola deportiva. <input type="checkbox"/> Memoria económica, asinada polo presidente, onde de detallan os gastos e ingresos anuais da tempada anterior. <input type="checkbox"/> Certificado de conta bancaria para o pagamento. 	
Sinatura do/a representante:	Selo do club:
O Grove, ____ de _____ de 20__	



CONTA XUSTIFICATIVA (Anexo II)

Ano de concesión: _____

Importe subvencionado: _____

Finalidade da subvención: _____

Persoa/Entidade: _____ NIF/CIF: _____

Domicilio: _____ Teléfono: _____

Código Postal: _____

Número de conta bancaria: _____

XUSTIFICANTES QUE SE ACHEGAN:

	CONCEPTO	PROVEDOR/EMPRESA	N.º FACTURA	IMPORTE
1				
2				
3				
4				
5				
6				
7				
8				
9				
10				

TOTAL	
--------------	--

Lugar e data _____

Sinatura: _____

Requisitos da factura:

- 1 Número de factura
- 2 Datos referidos ao/á expedidor/a e destinatario/a da factura: nome, apelidos ou denominación social da entidade; NIF/CIF; domicilio; poboación, código postal e concello
- 3 Concepto e prezo total con IVE, que estará detallado, incluído ou exento.
- 4 Lugar e data da emisión da factura.



**DECLARACIÓN
(Anexo III)**

Don/a.....,
con DNIactuando en representación
do.....

DECLARO:

- 1 Que o total da subvención outorgada polo Concello sumada ás recibidas por outras administracións públicas non superou o importe total dos gastos.
- 2 Que non me atopo incurso/a en ningún dos supostos de incompatibilidade aos que se refire o artigo 13.2 d) da Lei 38/2003, do 17 de novembro, xeral de subvencións.
- 3 Que a entidade ou organismo ao que represento non se atopa incurso en ningunha das prohibicións de obtención de subvencións do Concello do Grove, ás que se refire o artigo 13 da Lei 38/2003, do 17 de novembro, xeral de subvencións.
- 4 Que a entidade ou organismo ao que represento está ao corrente na súas obrigas tributarias coa Facenda estatal e autonómica e coa Seguridade Social.

E para que conste, para os efectos previstos no artigo 13 da Lei 38/2003, do 17 de novembro, xeral de subvencións, asino esta declaración.

O Grove, de de 20.....

.....
(sinatura)

